

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 16/26 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 5. sjednici održanoj 02.09.2026. godine, donijela je

Autentično tumačenje člana 70. stav (1) i stav (2) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 16/26)

„Član 70.

- (1) Radnik ima pravo na novčanu naknadu na ime regresa za korištenje godišnjeg odmora u iznosu od najmanje 50% prosječne plate isplaćene u Federaciji Bosne i Hercegovine za prethodna tri mjeseca, prije donošenja odluke i rješenja o regresu.*
- (2) Pravo na regres iz stava (1) ovog člana ima svaki radnik koji u toku tekuće kalendarske godine ima pravo na godišnji odmor.“*

Citirane odredbe Kolektivnog ugovora znače da svaki radnik koji ima pravo na godišnji odmor ima pravo i na regres. U slučaju da radnik ne iskoristi godišnji odmor, a poslodavac mu zbog toga isplati novčanu naknadu, radnik nema pravo na regres.

Odluka o autentičnom tumačenju člana 70. stav (1) i stav (2) Kolektivnog ugovora je donesena na 5. sjednici Komisije održanoj 02.09.2026. godine jednoglasno konsenzusom.

ČLANOVI KOMISIJE

Enida Vehabović, predstavnik Poslodavca

Senad Sladić, predstavnik Poslodavca

Saudin Sivro, predstavnik Sindikata

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 16/26 – u daljem tekstu: Kolektivni ugovor) obratio se Sindikat, kao jedna od ugovornih strana, vezano za zahtjev JU OŠ „Podlugovi“ Ilijaš, broj: 04-802/26 od 28.07.2026. godine (zahtjev zaprimljen u pisarnici Kantona Sarajevo pod brojem: 11-02-35514 od 30.07.2026. godine), koji se odnosi na tumačenje člana 70. stav (1) i stav (2) Kolektivnog ugovora u dijelu utvrđivanja prava radnice na isplatu regresa u situaciji u kojoj je radnica ostvarila pravo na godišnji odmor i pravo na regres, ali koja zbog korištenja porodiljskog odsustva koje je počela koristiti od februara ne želi prekinuti porodiljsko odsustvo, a svoj radni angažman neće nastaviti u školskoj 2026/2027. godini.

U vezi s navedenim, obavještavamo Vas da je Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na svojoj 5. sjednici održanoj 02.09.2026. godine, donijela autentično tumačenje člana 70. stav (1) i stav (2) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**